



北直隸名勝志卷之十一




閩中曹學佺能始著

大名府

北至京師一百三十里

領州一縣十

史記漢高帝使韓信定河北以秦邯鄲郡之南部并東郡之邊縣置魏郡晉唐因之唐末魏博藩鎮所治五代漢乾祐元年陞為大名府左傳魏大名也此本魏都故曰大名云○宋時以大名為北都春明退朝錄載北都使宅舊有過馬廳唐韓偓詩外使進鷹纔得按中宮過馬不教嘶自注云上每乘馬必中官馭以進謂之過馬時方鎮僭擬亦效



北直隸名勝志

卷之十一

仕

之因名其廳事云○宋太平興國五年契丹入犯  
太宗下詔親征行次大名而虜已遁故作詩示行  
在諸臣有一箭未施戎馬遁六軍空恨陣雲高之  
句

元城縣附郭

魏武侯公子元食邑于此因氏焉漢縣之三國魏  
吳質為元城令文帝枉鄴騎即此邑也○寰宇記  
云沙麓在縣東十二里亦名女姓丘漢書王翁孺  
既徙魏郡之委粟里元城建公曰昔春秋沙麓崩  
晉史十之曰後六百四十五年當有聖母興其齊

田氏乎今翁孺徙居正直其地日月當之後果生  
政君選入太子宫生成帝于甲館畫堂帝立為太  
后焉按元城郭東有五鹿之墟沙麓地也晉公子  
重耳乞食于五鹿野人與之塊即此處矣○水經  
注云河水故瀆又東北逕元城縣故城西比而至  
沙丘堰郡國志曰五鹿墟有沙亭周穆王喪盛姬  
東征舍于五鹿其女叔姓屈此思哭是曰女姓之  
丘為沙麓之異名也漢建安中袁紹與曹操相襲  
于官渡紹迫大司農鄭玄載病隨軍屈此而卒郡  
守已下受業者袁經赴喪千餘人○志云故縣治



三一爲漢縣治近沙麓一爲隋縣治古殷城一爲唐縣在舊城東北此外復有城堙之蹟六曰西城故城雙城莽城陷城五孝城並在縣東三四十里今署爲村攷陷城卽沙麓城公羊傳曰襲邑也襲卽陷矣莽城在王莽河北岸卽屯氏河也五代梁朱滔有壁壘存○治內興隆寺佛殿西楹下有魏宮彈碁局文帝時故款也又大安寺東壁畫宋真宗幸大名時儀衛鹵簿旗物及扈從百官次第以寇萊公首列○韓魏公留守時雅好宮室園林之樂府治堂有三曰安正曰善養曰雅集公並有詩

紀之後圃曰晚香亭公九日宴諸監司得句云莫羞老圃秋容淡且看黃花晚節香後人因以名亭○城南有亭曰望春亭公始就築三月十八日宴會有此日傾城樂御河之句按御河卽舊沙河自城西南引漳水入城者河南北長二十里東西濶三里○公又于壓沙寺種梨千樹味甘美方花繁盛時邦人士女日携觴酣飲其下公亦間造焉因命寺僧剏亭花間名雪香亭蓋取唐人梨花白雪香之句也後守文潞公彥博以公所題雪香亭詩和而刻諸石○觀德堂在舊府西園後周符彥卿

創宋馮京爲留守易名清心堂元祐間黃庭堅來  
判大名又增築賢樂堂○金石畧云唐使田緒何  
進滔節度魏博竝有德政碑田者裴埴撰文何者  
柳公權書宣和初爲中官譚稹所毀不存○真廟  
幸大名題詩宮壁數十篇字大可如斗適健有法  
政和七年詔留守梁子美輦致闕下已而鑿取壁  
囊以毛罽括木圍之津送京師又有出獵詩數十  
篇留守賈魏公刻之班瑞殿魏公子華繼至遂以  
獻道君 我明嘉靖戊申春三月知府顧玉柱穿  
土發得五禮碑厚四尺廣一丈三尺高四丈有奇

字畫巖逸絕擬黃庭經亦真宗御書○府城南狄  
梁公祠下瞰綠波亭有碑二一爲李邕文張繼處  
書一爲馮宿文胡證書竝唐人所立○馬陵道在  
縣東南十里史記魏攻韓韓告急于齊齊使田無  
忌將孫臏爲師令齊軍入魏地爲十萬竈明日爲  
五萬竈又明日爲二萬竈龐涓大喜曰我固知齊  
卒怯入吾地三日士卒亡者過半乃倍行逐之孫  
臏度其暮至馬陵乃斫大樹書曰龐涓死于此下  
涓至萬弩俱發魏軍大潰遂自刎○晉書束皙元  
城人太康中郡界苦旱皙爲邑人禱雨三日而雨

注衆爲哲作歌曰東先生通神明請天三日甘雨  
霖按其墓在今東館鎮哲有漢顯節陵竹冊辯○  
文獻通攷射議一卷元城王越石仲寶撰凡七條  
○山谷集云王定國文集諱鞏元城人文正公之  
孫也黃庭堅序癸亥八月壬辰○大明內閣名臣  
錄薛公瑄字德溫山西河津人父貞爲元氏教諭  
母齊氏夢紫衣人謁見因生公手學解卒爲名輔  
大名縣在府城南五里  
後魏太和中于元城縣地分置貴鄉縣水經注云  
沙丘堰有貴鄉是也五代漢置大名府仍于此置

縣曰大名縣○寰宇記云大河故瀆在縣東南三  
里俗名王莽河水經注云故瀆經元城西北至沙  
丘昔禹治洪水播爲九河自此始也大河故瀆北  
出爲屯氏河漢書溝洫志曰自塞宣房河復北決  
于館陶分爲屯氏廣深與大河等俗名毛河按卽  
今衛河也發源河北輝縣百泉山自淇門入濬縣  
界受淇湯諸水又經內黃爲漳水所合東北至縣  
境又東北注三角潭達臨清下流與滹沱河合至  
直沽入于海○志云愜山在縣北十五里相傳漢  
成帝時河決王延世于此運土塞之頗愜人心故

名今舊城西隅有愜山廟卽其遺址雕馬河舊經此山下今湮○縣故城距今治十三里有臺曰惠王臺卽魏王所築亦名魏城亭應劭注漢書曰武侯之別都也○界內古塚三一曰唐魏博節度使羅弘信墓按唐御史大夫公桑億神道碑兆于貴鄉縣蔡村里卽其處一曰劔甲墓在縣南八里後周太祖臨崩遺詔葬焉一曰元魏國公李益立山墓按神道碑至元戊寅葬于臺頭里又別有王伯益墓不詳其處虞集爲墓表○張家澤在縣東二里魚藻繁衍冬夏不涸昔縣令張珩結廬讀書于

上又西南三里有白水潭林樹交蔭菱荇縱橫近郊之勝槩也

魏縣

在府城西  
北四十里

本漢舊縣與郡同設○寰宇記云漳水有二舊漳河名濁漳水自臨漳縣入縣南二十里與衛河合新漳河乃清漳也亦自臨漳縣來至縣南東至館陶縣合衛河二漳蓋以堤岸爲隔云○縣居洹漳二水下流衝決爲患遷徙靡恒其故城一距縣東四十里今呼舊縣村一距縣南三十里遺址頽然或謂卽洹水縣宋熙寧間省爲洹水鎮戰國時蘇



秦會諸侯洹水上以拒秦卽此○葛築城在縣西南二十里史記世家趙成侯及魏惠王遇于葛築是也有禮賢臺魏文侯所築以禮賢士歲久湮沒我明嘉靖間知縣陸柬別創之東堤上○趙文君祠距縣南二十三里君名夔漢武帝時命遇旱以禱雨自焚鄉民感而祀之號曰文君後爲水衝決嘉靖間改建縣前○漢司隸校尉蓋寬饒墓在縣東南八里今亦被水決去縣東二十里有石佛像碑刻甚古剝落不可讀惟天保元年十二月數字書法遒勁按天保乃北齊帝高洋紀年其寺卽名

石佛寺○回隆廟在縣西南六十里俗傳宋真宗北征至此回鑾因名回龍訛爲隆也今回隆鎮是○明薛斌吊魏臺七言古風予節爲一絕云魏臺河北古城隈此地疑從三晉來半下夕陽飛鳥去行人笑指野花開

南樂縣 在府城東南四十五里

秦東郡地漢置樂昌縣仍屬東郡高后封張敖子壽宣帝封王武竝爲樂昌侯隋改今名○志云縣北七里方山故老相傳東西二土山竝峙其形方正後爲河水蕩決其村仍名方山村○縣南四十



里龍窠河源出冠縣流經茨村至龍窠俗傳龍潛于此○縣東北七里曰平邑城史記晉公四年趙城平邑者也唐馬燧嘗提兵至此亦曰馬燧營中有浮圖○縣東二十五里故朝城縣址今名韓張堡有五代時王彥章營彥章朱梁將與唐莊宗相持于此宋元竝因其壁壘爲廂○縣西三十里別有營二曰操刀曰晉胄土人習云周武王伐紂至此○水經注云河水故瀆又東北逕昌樂縣故城東郡之屬縣也按卽樂昌縣晉改爲昌樂有故城在今治西北三十五里俗訛爲昌意城謂黃帝子在

昌意所築○水經注云河水故瀆又逕繁陽縣故城東史記趙將廉頗伐魏繁陽應劭曰縣在繁水之北繁淵卽澶鄉也亦謂之浮水地理志云魏徙大梁以地易趙趙南至浮水繁陽卽是瀆矣○塚廟記云縣西三十五里有倉帝陵及造書臺按外紀倉帝名頡有睿德生而能書或云黃帝史官也陝洛簡亦多載之○漢杜康墓晉劉伶墓俱在縣之武強鎮唐張公謹墓在縣西之王村縣北三里有五代晉都虞侯王清墓契丹入寇清戰死葬焉○宋學士晁宗懿墓在縣東四十五里有石門花

磚封識尚固晁為望族名輩凡十數相望○齊王廟在縣東羅疇村唐開元時建莫詳其人

清豐縣

在府城東南九十里

寰宇記云本內黃縣地唐大曆七年割頓丘昌樂之四鄉于清豐店置縣因以為名○冀州圖經黃河在縣南五十里金堤之上源也故老傳云金堤頭有秦女樓即此○縣北十里聶城春秋僖元年齊師曹師宋師次于聶者也又五里曰陰安城漢縣注水經云河水東逕陰安縣故城西漢元朔五年封衛不疑為侯國又三里為孫固城廢址周五

里許未詳固何時人○縣南三十五里戚城介于澶頓之間春秋衛大夫孫林父之邑也又名戚田文公元年公孫敖會晉侯于戚註疏云衛地○縣東南四十里曰衛城世傳靈公所都按僖公三十一年狄圍衛十有二月冬遷于帝丘今入濮州界蓋避狄南徙也一日靈公避暑之地為離宮云○縣西南十五里有故城未詳所起又十五里曰于城衛風出宿于于即此曰聶曰于並衛卿大夫食采邑○塚廟記云康王廟在縣東南二十五里世傳宋高宗為康王質于金間道奔還追騎將及晝

夜行五百里跨泥馬渡河至此土人祀之明大梁李夢陽爲之賦○閔損墓在縣西南二十里家語子騫從孔子遊于衛衛人得其衣冠而葬之

內黃縣

在府城西南九十里

史記趙廉頗伐魏取黃漢縣之五代史梁太祖軍內黃問李炆曰縣何以名對曰陳留及雍丘有下黃外黃此居河之內故曰內黃太祖起卒伍不喜文士以是始崇儒術○志云內黃爲商王五遷之一其西南二十五里亳城東有殷中宗陵高丈五尺有竒環匝數十丈宋開寶間樹碑翰林梁翰周

撰文○縣境內古塚三曰宋義墓在縣北楚王鎮秦末章邯圍鉅鹿楚王以義爲上將軍救趙後爲項羽所殺葬焉○樂尚書墓去縣西四十里名伏恩村以有嘏酒滅火之功鄉人德而祠之祠墓濱河近爲衛流衝決○王伯當墓唐初李密副將也死于稠桑之難葬此○古城三曰故殷城在縣南十三里殷亶甲居相所築也有弗湯聚春秋昭九年荀盈如齊逆女卒于戲陽註疏魏郡內黃縣北有戲陽城矣又有柯城春秋襄十九年叔豹會晉士句于柯是也○古營壘三曰單雄信營李密將

也嘗駐兵于此舊縣南北二門遺址猶存○唐李靖堡在縣西南三十里河村今有廟祀○縣北四里有臺曰烽火臺宋契丹犯大名真宗遣楊延朗將兵禦之于此臺高二丈許○水經云淇水又東過內黃縣南爲白溝酈道元註曰淇水又東北逕并陽城西郡國志謂內黃縣有并陽聚矣白溝又北左合陽水又東北流逕內黃縣故城南縣右對黃澤郡國志曰縣有黃澤是也蕩水入焉首受蕩水謂之蕩清河亦名黃雀溝注于淇水淇水又屈從縣東北與洹水合白溝逕戲陽城惠世謂之義

陽郭又北逕高城亭東洹水從西南來注之又北逕問亭東卽魏界也城內有武侯臺王莽之魏城亭矣左與新河合洹水枝流也洹水又東過內黃縣北東入于白溝○九域志云鷓鴣陂在內黃舊洹水縣西南五里周八十里魚蒲之利土人所資黃澤隄在縣西北五里澤廣數十里有隄環之漢世祖破五校于此今有孟家潭在縣西北一里俗云卽古黃澤也○趙信村在縣北里許漢封趙信翁侯食邑之地

濬縣

在府西南  
二百里

漢黎陽縣以在東黎山之南而各地理志云東黎  
卽大伾山禹貢導河至于大伾者也亦名青壇山  
魏志武帝攻黎陽敗袁紹二子譚尚于城下留賈  
信屯兵守之文帝有行黎陽詩奉詞伐罪遐征  
晨過黎山巉岬東濟黃河金營北觀故宅頓傾中  
有高樓亭亭荆棘繞藩叢生南望果園青青霜露  
慘悽宵零彼桑梓兮傷情○水經注云河水又東  
北過黎陽縣南本黎侯國詩式微黎侯寓于衛是  
也晉灼曰黎山在其南河水逕其東縣取名焉王  
莽之魏丞矣其城憑山爲基東隄爲河故劉楨黎

陽山賦曰南蔭黃河左覆金城青壇承祀高碑頌  
靈者也予攷黎陽寓衛衛以泥中中露二邑處之  
今名東離狐城者是隋開皇中置廩丘縣于此側  
近卑濕城居水阜故曰胡爲乎泥中○詩序周武  
王滅殷分朝歌以東封弟康叔爲衛國兼邶鄘故  
三國之詩同風邶曰在浚之下鄘曰在浚之郊浚  
濬古字通用故濬州之名取焉○濬州唐五季時  
立宋天聖間沒爲湖移治浮丘鄒伸之使韃目錄  
云過濬州其城在小橫山上復有一山如偃月與  
城對峙卽其故址按我 國初乃徙治于山之北

陵仍降爲縣○黎陽自漢以來嘗置兵監聚六郡校士屯戍其中隋煬帝時建黎陽倉漕河北之粟以輸京師大業群盜起衛公李密據之唐宋皆仍其制政和以後河徙故道始湮○水經注云河水又東淇水入焉逕遮害亭南漢書溝洫志曰在淇水口東十八里有金隄隄高一丈自淇口東地稍下隄稍高至遮害亭四五丈又有宿胥口舊河水北入也右遮害亭故基在縣南五十里○淇水又南歷枋堰舊淇水南東流逕黎陽縣地理志曰淇水出共山東至黎陽入河謂之淇水口漢建安九

年魏武王于水口下大枋木以成堰遏淇水東入白溝以通漕運時人號其處爲枋頭盧諶征艱賦曰淇枋巨堰深渠高隄者也自後遂廢後魏熙平中復通之故瀆南逕枋城分爲二水一水南注清水水流上下更相通注河清水盛北入故渠自此始矣一水東流逕枋城南東與宛口合宛水上承淇水于元甫城西北自石堰東注宛城西屈逕其城南又東南流歷五軍東北得舊石沮有五水分流世號五穴口今通并爲二一水西注淇水謂之天井溝一水逕五軍東分爲蓼溝東入白祀陂又

南分東入同山陂溉田七十餘頃二陂所結卽臺陰野矣宛水東南入淇水淇水右合宿胥故瀆瀆受河于頓丘縣遮害亭東黎山西北會淇水處立石堰遏水令更東北注魏武開白溝因宿胥故瀆而加功焉昔燕蘇代曰決宿胥之口魏無虛頓丘指是瀆也淇水又東北流謂之白溝逕雍榆城南春秋襄二十三年叔孫豹救晉次于雍榆註疏汲郡朝歌縣東有雍城矣淇水逕其城東東北逕同山東又東北逕帝嚳塚西皇覽曰帝嚳塚在東郡濮陽頓丘城南臺陰野中者也又北逕白祀山東

歷廣陽里逕顓頊塚西帝王世紀曰顓頊葬東郡頓丘城南廣陽里淇水又北逕頓丘縣故城西古文尚書以爲觀地矣蓋太康弟五君之號曰五觀者也竹書晉定公三十一年城頓丘皇覽曰頓丘城門名蓋因丘爲名矣淇水東北逕枉人山東牽城西春秋定十四年公會齊侯衛侯于牽註疏云魏郡黎陽縣東北有牽城是也按志雍榆城在縣西南八里又五十里爲枋口城頓丘已入開州界頓丘故城則在當縣牽城在縣北一名脾上梁間○予歷大名諸州縣率曼衍相屬無他山嘗過瀆



登大伾最高處望之蓋襟太行之左麓也故其下  
多山淇水自西南入流至枋頭仰合衛水折而蜿  
蜒西北縈縣之右北接漳流諸山並循二水而出  
故唐王維有隔河見桑柘藹藹黎陽川望望行漸  
遠孤峰凌雲煙之句○縣西北境桀然而峙者曰  
黑山周五十里漢獻帝時黑山賊十餘萬掠魏郡  
卽其地也山多削壁惟石迴溪曲澗盤鬱其中相  
傳有風穴口大如斗風從中出附口處草皆外偃  
其西南曰陳家山左折而南五十里曰童童山  
文化及與李密戰于此山無草木故曰童童山之

麓綿亘四十餘里形若游龍而所當脊處若龍脊  
也故曰龍脊岡土人誤呼爲濃脊崗崗之西有山  
相輔而行西屬太行曰達西岡○善化山去縣西  
北二十五里山出雲多樓觀亭臺及舟車旗鼓人  
馬之狀幻態百出故曰善化分而爲三亦名三山  
俗傳紂殺比干于此故又曰枉人山蕩清河水所  
逕卽姜水矣山多花斑石可爲屏几柱礎或曰善  
化者卽其氣也上下穴泉七十有二○龍脊之左  
有山曰白祀淇水所逕多隘爲陂鄴道元水經注  
云五穴口一水逕五軍東分爲蓼溝東入白祀陂

又南入同山陂同山卽童山也童山西麓又有波羅河南流至龍口峽伏流地中潦溢則會于長豐泊○地理志曰天下水名泊者二一曰梁山泊一曰長豐泊長豐泊卽白祀同山二陂所會浮丘山東行伏衛河底而突起繚衛東岸卽今縣治之所跨也其東二里曰大伾禹貢導河東過洛汭至于大伾卽此山也周五里高四十丈有竒上多浮屠宮觀巉巖洪洞之跡焉○大伾東岸曰大佛巖就山爲佛像一軀高尋丈許昔人鑿之以鎮黃河者其頂舊有閣七層元末燬○陽明洞去佛嵒北百

步一曰龍洞大小穴三天欲雨穴中雲氣蒸蒸出焉洞傍建豐澤廟三楹黃河故道帶繞其前我明正德間陽明王公守仁登茲山有賦故洞以之名○浮丘山巔有千佛洞闕邃如室鑿爲佛像者千數唐末隆間僧大淵募剏○佛嵒龍洞之際有亭曰偉觀元劉遜書嵒下古栢數十株蒼翠森然又有恠栢自西壁間挺出因建亭其上元許有壬題扁仍爲詩云蒼松出古罅雙聳如蟠虬聲號半天雨影落千嵒秋○中軍亭當大伾絕頂隋季李密建以瞭敵今惟四巨礎存○鴻濛亭在大伾南

嶺其北有懋功宅唐徐世勣守黎陽時別墅也○  
 杏花臺在大伾浮丘兩山之間金時富室所營以  
 資遊觀○大伾東麓有子貢墓載入祀典北麓有  
 五女墓俗傳漢太倉令淳于意無子有女五人意  
 卒緹縈與其姝葬之墓高五丈今失所在西麓有  
 李密墓唐魏徵誌徵與世勣皆密舊臣密叛于唐  
 被殺世勣請收葬之○大伾已東曰鳳皇山又東  
 北曰紫金山俱其支壠也控扼淇衛交流之口無  
 復旁引蓋太行左俛趾處矣故世多帝王宮都及  
 賢豪名蹟徃徃不可勝數

滑縣

在府西南二百二十五里

隋開皇中置滑州唐之永平軍五代之義成軍宋  
 之武城軍皆為節度使治元至元中仍置滑州  
 國朝降為縣以白馬縣省入白馬隋初與州同置  
 為附郭詳見下○唐明皇送李邕赴鎮詩漢家重  
 東郡宛彼白馬津黎庶既蕃殖臨之勞舊臣遠別  
 初遵路令行方及春課成應第一良牧爾當仁右  
 詩柏元封行書元和五年十月立石又明皇時龍  
 馬出滑州見柳宗元集中龍馬圖賦○寰宇記云  
 古衛地有楚丘城文公自曹邑遷楚丘即此詩云

定之方中作于楚宮者也隋置楚丘縣尋改爲衛南縣國初省入故城址存今入山東濮州界○鉏城在縣東十五里左氏后羿自鉏遷于窮石者○湏城在縣東南三十里詩云思湏與漕注湏衛邑也○訾樓在縣西南六十里春秋衛侯師于訾樓卽此○白馬城在縣西北十里城臨河津漢酈食其說高帝守白馬之津以示天下之形勢後漢建安五年曹公東征袁紹遣顏良攻劉延于白馬曹公使關羽擊之刺顏良于萬衆之中遂解白馬之圍是也今有顏良塚在魚池店南○水經注云

河水又東逕滑臺城城有三重中小城謂之滑臺城舊傳滑臺人所修因以名焉俗呼之曰空城卽鄭廩延邑也下有延津春秋傳曰孔埋爲蒯賁所逐載伯姬于平陽行于延津是矣廩延南故城卽衛之平陽亭也今時人謂此津爲延壽津宋元嘉中右軍到彥之留建威將軍朱修之守此城魏軍南伐修之執節不下其母悲憂一旦乳汁驚出母乃號踴告家人曰我年老非有乳時今忽如此吾兒必沒矣修之絕援果以其日陷沒城故東郡治續漢書延熹九年濟陰東郡濟北平原河水清襄

楷上疏曰河者諸侯之象清者陽明之徵豈獨諸侯有窺京師也明年宮車晏駕徵解瀆侯爲漢嗣是爲靈帝晉語陽秋袁宏之東郡謂桓宣武曰奉揚仁風慰彼黎庶十六國春秋曰慕容德自鄴率衆南徙滑臺旣無舟楫而流澌冰合于夜中濟訖旦而冰泮燕民因謂是處爲天橋津東岸有故城險帶長河戴延之謂之逮明壘周二十里逮明石勒騎將城因名焉郭延生曰城袁紹所築也余按竹書梁惠成王十三年鄭釐侯使許息來致地平丘戶牖首垣諸邑及鄭馳地我取枳道與鄭鹿卽

是城矣今城內有故臺尚謂之鹿鳴臺南宋寧朔將軍王玄謨自滑臺走鹿鳴者也濟取名焉故亦曰鹿鳴津又西北十里曰白馬津津之東南有白馬城衛文公東徙渡河都之魏黃初七年改封壽春王彪爲白馬王文帝遣之國東阿王曹植贈之以詩七章情篤友于聲諧金石矣河水舊于白馬縣南决通濮濟黃溝蘇代說燕曰决白馬之口魏無黃濟陽竹書梁惠成王十二年楚師决河以水長垣之外者也金堤旣建故渠水斷尚謂之白馬瀆故瀆東逕鹿鳴城南又東北逕白馬縣之涼城

北者舊傳云東郡白馬縣有神馬亭實中層峙南北二百步東西五十許步狀丘斬城也自外耕耘墾斫削落平盡正南有陟躔陞上方軌是由西南側城有神馬寺樹木修整西去白馬津可二十許里東南距白馬縣故城可五十里疑卽開山圖之所謂白馬山矣山下常有白馬群行悲鳴則河決馳走則山崩白馬瀆又東南逕濮陽散入濮水所在決會更相通注以成往復濮渠又東逕韋城南卽韋鄉也史遷曰夏伯豕韋之故國城西出而不方城中有六大井皆隧道下俗謂之江井○按隋

書有韋城縣置此漢韋賢詩肅肅我祖國于豕韋者也河水于此名曰韋津去津二百步有京觀卽漢東郡太守翟義起兵討王莽兵敗所築俗呼爲鬪髀臺鹿鳴津卽滑濬分界處唐沈亞之有魏滑分河錄二卷○滑臺城在今縣東二里後魏高昌所築唐滑臺銘李季卿撰令狐彰行書永泰元年正月立東郡志云本滑氏壘後改爲城凡三重又有都城周二十里衛靈公所築也滑伯墓在其城內不知何許人或云卽古滑氏繕城者或曰隋將王景歿王事而葬焉述征記云登滑臺城西北望

太行山白鹿崑王莽嶺冠于雲表森然在目○狗脊山在縣西北隅其地出狗脊草故名山麓有龍潭廣十餘頃○天臺山在縣城西宋史天禧三年河決天臺山發丁夫萬人塞之堤成賜名天臺埽今城西有高堤濶百步許者是○塚廟記云鮒顛山在縣東北入開州界郡國志謂顛顛所葬阮嗣宗東平賦托顛顛于鮒顛是也今名上山帝嚳顛顛二陵在其上唐宋以來歲祀之○沙河在縣南五十里有惠子塚在沙河村惠施梁惠王相也○聶政塚在縣南四十里俗傳政爲嚴仲子報仇卒

葬此○張平塚在縣東五十里或以爲良之父○成公綏塚在故衛南縣西二十里高三丈綏作黃河賦者晉時人○堯祠在縣西南五十里相傳漢劉盆子建唐寶曆中節度使李聽重葺白敏中爲之記○豢龍井在廢葦城內古豢龍氏之鄉有記云左右宜爰工日白丁八十一口等字後人祠之宋司馬光有祠內禱雨文○河侯祠在縣西二十里漢王尊欲以身填金堤者土人祠之有唐處權記○唐魏徵廟在縣北七里有宅在今東尼寺○集古錄云唐曹華高承簡德政碑二侍講學士崔

鄆奉勅撰唐敬宗御書今尚存前右市間有李德裕碑禮部侍郎賈餗奉勅撰別有滑臺懷古詩刻衛公所作也公建有節堂劉三復爲之記以太和三年爲義成軍節度使兼領滑州云○滑州新井銘唐賈耽撰徐鑄書貞元五年九月立滑臺新驛碑唐李勉撰李陽冰篆大曆九年八月立其陰有銘舒元輿玉筋篆也見唐文粹○北海李邕守滑時置有郡廳梁上記乃邕手書云大厦中構山屹中鬪黃河畎會太行培塿整庶宣風緝戎備寇鎮寧一方光輔元后○城內慈恩寺有唐韓愈李翱

孟郊柳宗元同登題名○天慶觀有宋龍圖閣學士梅摯公儀題名公以龍圖出守州治清風樓大岡堂皆其所剏也公儀在郡偶書寄永叔內翰詩酒戶棋兵孰與儕月宵曾過六天街南燕到後懷君遠時入樓東畫舫齋歐陽修酌滑州梅公儀見寄畫舫齋前舊菊叢十年開落任秋風知君爲我留紅旆猶記栽花白髮翁○畫舫齋蔡襄書額歐陽公自爲記云予至滑之三月卽其署東偏之室治爲燕私之居而名曰畫舫齋齋廣一室其深七室以戶相通凡入于室者如入乎舟中其温室之



奧則穴其上以爲明其虛室之疏以達則楹其兩  
 旁以爲坐立之倚凡偃休于吾齋者又如偃休乎  
 舟中山石聳萃佳花美木之植列于兩簷之外又  
 似泛乎中流而左右林麓之相映故因以舟名焉  
 ○城內臨河有歸雁亭歐陽公題絕句長河終歲  
 足悲風亭古臺荒半倚空惟有雁歸時最早柳含  
 微綠杏粘紅梅公儀和小亭烟雨漫相思山下河  
 梁人別離一尺短書煙水濶年年愁絕雁歸時○  
 唐時滑中有高士崔瓘精于內經王季友贈之詩  
 云夫子保藥命外身得無咎日月不能化化腸爲  
 筋否十年前見君甲子過我壽云何今相逢華髮  
 在我後

東明縣

在府城東南二百里

漢東昏縣後漢改爲東明○志云縣西有秦臺相  
 傳秦始皇游幸於此縣北十五里曰東臺或謂卽  
 古南華縣址東北十五里曰西臺卽古宛句縣址  
 又東北五里漆園城相傳莊周作吏于此有墓在  
 漆園村縣西二十里吳家村漢吳恢及其子佑墓  
 尚存○縣東南三十里龍光山山上雲氣現光如  
 龍故名又有白雲山相傳漢張良辟穀于此其里

曰白雲里○縣東南五十里有五霸岡以春秋時五霸會盟地也又謂之霸王岡以楚項羽帥師救邯鄲時駐此岡上有康王臺宋高宗募兵入援時築又有單雄信墓信常從李密戰死葬于其地○杜勝村在黃河之界監水別駕行河所駐

開州

在府東南一百二十里

領縣一

古澶淵春秋襄二十年諸侯之卿會于澶淵者也唐武德初置澶淵郡後避高祖諱改為澶州方鎮以後並爭之夾河營壘相望有南澶北澶之分後漢隱帝太后遣郭威擊遼為將士所擁戴處宋景

德時真宗渡河與契丹戰丁謂誹寇準為孤注者也有故頓丘臨河濮陽三縣 國朝俱併入州州曰開沿金皇繞時名本宋哲宗之開德府也屬大名自元始○頓丘以州東北界頓丘為名顏師古曰因丘以氏縣有漢熹平元年頓丘邑令昌邑魯峻碑即衛風送子涉淇至于頓丘者也今其半割入清豐○臨河以南臨黃河為名漢武帝封魯其王子賢為侯國按黃河故道在州南秦臺俗稱響子曰是故臨河縣亦謂之臨黃縣矣宋史河決昌胡始廢臨黃今半入滑縣○濮陽以縣在濮水之

北水北曰陽也卽州所理漢末袁紹爲濮陽令素  
豪侈將歸入郡界乃遣謝車徒謂所知曰吾輿服  
豈可令許子將見遂以單車還里東郡志云古昆  
吾國左傳衛侯夢于北宮見人登昆吾之墟是也  
有昆吾臺周五十步高二丈隋開皇于此置昆吾  
縣大業中仍改昆吾爲濮陽○其在頓丘之跡曰  
秋山山海經云帝嚳葬于秋山之陰卽此曰鮒觸  
山今名廣陽山山海經云顓頊葬其陽九嬪葬其  
陰四蛇衛之今有顓頊廟在州之東郭里唐太和  
四年立○戚城在州北五里春秋定元年公孫敖

會晉侯于戚戚城東有衛大夫祠卽仲由也○曰  
五孝城孫盛雜語云五郡孝子中山魏郡鉅鹿趙  
國人竝少去鄉里孤無父母所托相遇于魏國因  
結兄弟朝夕相事財積數萬乃于空城中見一老  
母以掃糞爲事兄弟竝拜爲母○泉源洞距戚城  
東北三十五里衛詩云泉源在左淇水在右衛女  
思歸處也○鐵丘春秋哀二年晉趙鞅納衛太子  
蒯聩于戚與鄭戰蒯聩登鐵丘而望之懼投于車  
下杜註云鐵丘名也在戚城南今屬州北王合里  
○伍子胥廟水經注云在頓丘郡界臨側長河廟

前有碑魏青龍三年立○金堤在州南一百五十里上接青豐下入南樂 國初有金堤巡司今廢○其在臨河之跡曰旄丘衛詩旄丘責衛伯也詩云旄丘之葛兮何誕之節兮右在州西南四十步○廢澶淵縣在州南義井里卽春秋諸侯之卿所會者杜預云澶衛地頓丘西今名繁源也○古洪口在州東南黃河北岸東經廢臨黃縣界又三十里入清豐詩云籜籜竹竿以釣于洪卽此○復關堤在黃河岸北衛詩云登彼坳垣以望復關是矣○鯀堤在州西十五里自黎陽入縣界堯命鯀

治水九載無功其堤卽鯀所築○五女墓高五十二尺在顓頊陵北二里俗謂之顓頊妃攷漢書文帝十三年齊太倉令淳于公犯罪當死公乃嘆曰生女不生男緩急非有益其女緹縈隨父至長安上書求入爲官婢贖父刑文帝感之除肉刑赦淳于之罪後卒五女共葬于此○其在濮陽之跡曰上官詩云期我于上官卽此地也○匏子口漢武帝塞匏子河沉白馬玉璧將軍以下皆負薪處右在州西南新惠里河津上口○重華臺在州治南士孫子曰衛靈公坐重華之臺侍御數百隋珠照日

羅衣從風仲叔圉諫曰昔桀紂行此而亡今君寵妾無乃盛歟靈公乃出宮女百姓大悅○瑕丘在州南三十里高三丈禮記檀弓云公叔文子升瑕丘遽伯玉從文子曰樂哉斯丘也死則我欲葬焉伯玉曰吾子樂之則瑗請前注云二子皆衛大夫○延丘在州南四十里左傳襄二十九年延陵季子適衛憇此因名○五鹿城在州南三十里左氏僖二十三年晉伐衛取五鹿又公子重耳過五鹿野人授之以塊卽此○鄆城今州之鄆城鄉是水經云河水又東逕鄆城縣北酈道元注故城在河

南一十八里王莽之鄆良也沅州舊治魏武創業始自于此河上之邑最爲峻固晉八王故事曰東海王越治鄆城城無故自壞七十餘丈越惡之移治濮陽城南有魏使持節征西將軍太尉方城侯鄧艾廟廟南有艾碑秦建元十二年廣武將軍沅州刺史關內侯安定彭超立河之南岸有新城宋寧朔將軍王玄謨前鋒入河所築北岸有新臺鴻基層廣高數丈衛宣公築詩齊姜所賦也爲廬關津臺東有小城崎嶇頽側臺址枕河俗謂之底閣城疑故關津都尉治也○汲黯墓長孺濮陽人自

淮南太守歸葬于此○開志云州城內有潛龍宅及御店潛德觀以後唐明宗與宋太祖兄弟俱嘗隱跡于此州治有披雲樓真廟所賜扁額御井一在治南百步信武殿一爲行幸離宮州治後皇城卽其遺跡文彥博嘗刻御題幸澶淵詩其中僅存者廻鑿詩一篇○西湖在州城西南夏秋時積水數百畝澄鮮若空○清河在城東二十里其北有龍泉岡西有杏花岡各高二丈下臨河水○雞鳴山在州學北百餘步相傳昔有仙人居住聞雞鳴于此○金沙山在州城東門內迤北宋建炎間楊

棣守開德棣出弟彭年代領金人攻降之棣歸殯其守卒嬰城固守金兵大至屠其城兄弟皆死人爲瘞骨立塚如山因以沙名○洪洋山在州東南外示壘卽舊澶淵處山南有浮翠橋相傳有郎真人者嘗遊于此後遂葬焉○衛陽山在州東南二十里以居衛水之北故名○瓦屋頭在州西南春秋盟于瓦屋者是漢屬東郡○魯展禽墓在州東南柳村閻禹錫有詩○漢婁敬墓在州東南六十里錄士望社內○金石畧云漢廩丘銅鐙甘露二年都史李定造蓋宣帝時物也銘字尚可辨于澶

淵見之○昭德里宋太子少傅晁文元公迥所居  
 公字明遠以天禧四年請老杜門習靜所著有法  
 藏碎金昭德新編等書○宋治平間河北凶荒繼  
 以地震民無粒食往往賤賣耕牛以苟延歲月是  
 時劉渙知澶州盡發公帑之錢以買牛明年震搖  
 息通民歸無牛可耕價騰踴十倍渙復以所買牛  
 依元值賣與是故河北一路惟澶州民不失所由  
 渙權宜之術也自是立碑在路左

長垣縣

在州城西南一百五十里

注水經云衛地也故首垣矣秦更從今名王莽改

為長固陳留風俗傳曰縣有防垣故縣氏之孝安  
 帝以建光元年封元舅宋俊為侯國有長羅城漢  
 書宣帝封常惠為長羅侯即此至光武時國絕併  
 入長垣後謂之長羅亭○匡城在縣東北十五里  
 春秋僖十五年諸侯盟于牡丘遂次于匡註疏云  
 在陳留長垣縣西南衛地水經注云濮水又東逕  
 匡城北是也○家語子路治蒲三年孔子過之三  
 稱仲由之善春秋定十三年大蒐于蒲者也杜預  
 註云蒲衛邑在長垣縣西南志云蒲城即今縣理  
 縣舊治匡以水湮復還于蒲昔孔子聘列國與門

弟子絃誦于此故城北有學堂岡又有河內公書院河內公者仲由封爵也○衛靈公墓在城東十里呼曰墻裏村史記公卒葬于蒲卽此城南有蘧伯玉墓陳留風俗傳曰長垣縣有蘧伯玉鄉一名新鄉有蘧亭伯玉祠塚今名瓦棚村曹大家東征賦曰到長垣之境界兮察農野之居民觀蒲城之丘墟兮生荆棘之萋萋蘧氏在城之東南兮民亦饗其丘墳惟令德之不朽兮身旣沒而名存按曹毅扶風世淑子時爲長垣令其母班氏從子之任故云○左傳昭十三年會于平丘杜預注曰在長

垣南僖十八年邢狄伐衛衛侯師于訾婁注云訾婁衛邑陳留風俗傳曰長垣西北有訾婁亭矣○志云龍城在縣東南二十里昔夏桀臣龍逢所居因以爲名宋歐陽修過之作懷忠賦以吊焉○鶴城在縣南十七里城塚記云昔夏累豢鶴于此○漆城在縣西二十里竹書紀年邶鄆伐衛取漆者也○按長垣故城去今治東北四十里地名鮑垣本漢置隋改匡城唐復今名通鑑乾符二年濮人王仙芝聚衆數千起于長垣卽此宋始遷治之柳家村爲今所○城西四十里有鳳溝元助教李鳳



詩云水邊半掩白茅屋河上人歸紅杏墻風雨蒲城寒食過鳳溝流水落花香

本對置謂如由州縣對今各處論詩亦之平繁人

○對吳州對如去今各處東北四十里此亦對日

○對吳州對如去今各處東北四十里此亦對日

○對吳州對如去今各處東北四十里此亦對日

○對吳州對如去今各處東北四十里此亦對日

閩中曹學佺能始著

延慶州 直隸 京師距一百八十里

本懷來縣地有龍潭河在州城西北十里源自縉陽山下西流入桑乾河元以仁宗生此故陞懷來縣為龍慶州 國朝永樂十一年改曰隆慶後避穆宗年號復改今名領縣一曰永寧○永寧縣本縉山縣地 國初移置團山下取尚書其寧惟永之義以名之按縉陽山在州城北十三里一名龍安山山下有縉陽泉又有龍安寺寺內有幽崑禪



師碑○寰宇記云晉廣寧郡設今理所卽漢寧縣  
也有小寧城臨延水側神仙傳載瑕丘仲賣藥于  
寧百餘年因地震宅壞仲與里內數十家皆死或  
取仲屍棄延水中收其藥賣之仲被裘從而詰之  
此人大恐怖叩頭求哀仲曰非恨汝也使人知我  
耳吾去矣後爲夫餘王驛使自北乘車至寧此方  
人謂之謫仙水經注云小寧有地裂溝晉時地裂  
遂成溝壑俗謂之分冢水在縣東北○大翻山在  
城北二十五里上有王處仲廟仲弱冠變倉頡舊  
文爲今隸書秦始皇以其簡畧尅急用之大喜使  
徵不至因怒檻車送之次仲吟詠化爲大鳥出車  
外翻然高飛落二翻于此後人因以名山○媯川  
在州界流至懷來衛城東南又西流合桑乾水俗  
名清水河有古媯城卽唐貞觀之媯州也元陳孚  
詩榆花青茫茫塞雲三千里忽聞鷄犬聲見此十  
家市石橋百尺橫其下跨媯水人言古媯州殘城  
無乃是○八達嶺在城南三十三里居庸關外金  
劉迎詩山險路已出彌望盡荒坡風土日以殊氣  
象惟沙陀余老倦行役驅車此經過時和春已夏  
土寒地無禾行路不肯留柰此居人何

保安州

直隸 京師 距三百里

漢上谷郡治以在谷之上頭故名即晉公孫鳳隱居不仕翬然自得處矣有沮陽城在州治內漢沮陽縣王莽之沮陰也志云泥河在州北七十里故曰沮陽今名洋河南流入桑乾○軒轅城在州東南四十里今名古城城內有軒轅廟基又有軒轅臺在州西南界之喬山上山海經云大荒內有軒轅臺射者不敢西向畏軒轅故也梁湘東王臨終詩云寂然千載後誰畏軒轅臺○世本黃帝破蚩尤于涿鹿志云涿鹿山在州西南九十里一名獨

鹿山涿水出焉漢之涿鹿縣也周書黃帝殺蚩尤于中冀名曰絕轡之野即此○磨笄山在城西北二十里史記趙襄子姊為代王夫人襄子既殺代王迎其姊夫人曰趙已亡矣吾將安歸遂磨笄自殺百姓憐之為立祠因以名山唐太宗北伐至此聞鷄鳴又名鷄鳴山○保安山在城西北六十里洞穴穹窿有石如仰盂泉出其中僅一斗許群飲不竭按此山舊名白貼山元至元初以地常震改曰保安仍改州曰保安本唐之新州元之奉聖州也唐新州記云地屬河東北控險阻五代唐置團

練使總山後八軍于此

萬全都指揮使司

直隸京師距三百五十里

秦上谷郡漢下落縣地唐之武州也石晉後没于

遼金元置州郡曰宣化曰宣德我朝立宣府等

衛附郭其外有萬全開平龍門赤城等衛所以環

擁之與山西之大同為犄角制閫所居

宣府左右前衛凡三又有興和守禦千戶所自大

興衛移來者○萬全左衛在司城西六十里又二

十里即萬全右衛

懷安衛在城西百二十里唐懷安縣也保安右衛

自西沙城移置于此同城而居

懷來衛在司城東南百五十里漢潘縣地後周之

懷戎縣也遼改為懷來有隆慶右衛自居庸關移

置于此在城內東北隅

開平衛在城東北三百里舊在元之上都城內宣

德五年築城移建于此城南有一石突起平地上

可構數楹名獨石

龍門衛在城東百二十里唐龍門縣也又有龍門

守禦千戶所則在東北其里數倍之

長安嶺堡在城東北百四十里槍竿嶺元之懷來

龍門二縣界又三十里曰雕鸞堡又二十里曰赤  
城堡又十里曰雲州堡爲古瑩雲川卽元之雲州  
矣雲州北五十八里曰震州今設馬營堡以戍之  
○志云龍門山在雲州城東北五里兩山相峙高  
數百丈望之君門塞外諸水俱出其下名龍門峽  
又浩門嶺在雕鸞城北二十五里上有古松數百  
株鬱然蒼秀○赤城者以山石多赤故名古蚩尤  
所居之地有長城在瑩雲川唐開元中張說所築  
潘城在懷來衛境漢潘縣也○桓州城去雲州三  
百六十里古上谷之北境金立桓州元中統初置

開平府號上都歲一幸焉城南有東京西涼二亭  
乃其駐蹕之所 國初設開平衛于此併涼亭桓  
州二驛俱沿此名○洋河在宣府城南五里自塞  
外來東流注桑乾河有西海子及水溝口河俱入  
焉而赤城堡之東河自獨石雲州東南流經古北  
口卽通河白河之上源也其在雕鸞者曰南河在  
雲州者曰灤河在開平者曰香河俱注之○九邊  
輯略云宣府古上谷郡唐宋之山後州也 國初  
逐虜漠北卽元上都設開平衛守之置黃崖隰寧  
等共八驛東接大寧西接獨石首尾聯絡計甚周

矣。成祖三犁虜庭，皆自開平興和出入。後以大寧昇虜興和，亦廢開平，孤立難守。宣德乃移於獨石，密邇京師，擁護山陵寔肩，皆重地。在昔經畧諸臣咸謂彼中山川糾紛，地勢險阨，分屯設將，倍於他處，號稱易守。自今觀之，虜越永寧則南山之迫，切可畏；龍門失守則金馬之戒，備當先考諸往事。若撞道橫嶺之驅疾如風，雨浮圖紫荊之潰禍及郊圻，正統土木屬車蒙塵去，鎮城不數舍耳。合之七路衝緩，相半惟獨石挺出，虜地擎拳，累那孤危彌甚。近因虜款邊境，稍寧，城堡墩臺漸次繕整，然所以限隔虜騎防其衝突者，非一牆之功耶？先朝楊公一清王公瓊綜理西塞，皆以修築爲先。蓋虜之入犯，有零星有大舉，零寇不過以百十計突來，頃刻之間易防而難知，大舉衆至數萬，約會于旬月之前，難禦而易知。若邊牆完固，勿問其衆寡而禦壘堵截，皆有所憑資矣。今邊外青永二部雖曰恭順，然梟性難馴，戎心易啟，此門庭之虞也。屬夷史車二酋久居內地，潛通外夷，養虎遺患，此肘腋之害也。該鎮兵士素亦以勇敢聞，今壯者老，老者故，新集行伍者恐一朝不能受甲，倅遇虜警，是驅

市人而與之戰何益之有而訓練之術安可不講也說者又謂開平之轉運難繼則當徙三衛以易大寧大寧之巢穴不除則當通宣遼以為絕塞此兩者誠羨談然以今日之時勢欲復昔時之封疆亦豈易為力者乎○極衝南山柳溝營獨石城萬全右衛柴溝營四海台堡馬營堡雲川堡龍門所滴水崖堡赤城堡新河口新開口堡膳房堡張家口堡洗馬林堡西陽和堡葛峪堡○次衝宣府城永寧城龍門城長安嶺萬全左衛懷安城順聖川西東城懷來城土木驛延慶州空道城保安新舊二城深井堡蔚川城廣昌城○金石略云漢朱龜碑文字殘缺初余讀酈道元注水經云朱龜碑陰故吏姓名多上谷代郡人知此碑有陰因託人就徃摸之附于碑後○漢居攝壇壝刻石二其一云上谷府卿壝壇其一云祝其卿壝壇皆居攝二年三月造上谷郡名祝其縣名不知所謂府卿與縣卿為何官蓋自王莽居攝官名日易故史家不能盡紀也其曰壝壇者古未有土木像故為壇以祀之云

直隸名勝志卷之十一終



三月五日谷滯各別其濕各不味和隨和與濕  
 土谷和濕贊其一二云濕其濕贊贊皆各濕二平  
 於濕之州于縣於○冀吾縣贊贊於二其一云  
 姑夷於各冬土谷升滯人味於縣首創因信人錄  
 輒文字矣越餘余黃瀾首云去木盤云米羅輟創  
 二州衆共聖藤川州黃昌州○金不創云冀米羅

